

歷代建元考


三

四

			九	漢
		一	二	書
		一	一	門
八	四	四	四	
冊	架	函	號	類

庫	文	閣	內
元	九	漢	
五	二		
九	一	書	
五	四		
架	冊	號	類

內閣文庫			
番號	漢	9214	
冊數		5	(4)
函號		295	20




歷代建元考

淺草文庫

鍾淵映 撰

唐李氏



高祖神堯大聖大光孝皇帝淵隴西成紀人涼太祖武  
王之後隋時襲祖帝爵唐國公以丁丑自太原留守  
起兵入長安戊寅受隋禪在位九年丙戌傳位于太子  
稱太上皇又十年己未崩改元一

武德九

太宗文武大聖大廣孝皇帝世民高祖次子初封秦王  
隱太子建成誅立為皇太子丙戌受內禪在位二十三  
年己酉崩改元一

貞觀 二十三

愚按宋王應麟玉海載唐濮王天壽一號濮王即  
魏王暉太宗愛子以奪嫡降封魚偕號改元之事  
不知王氏何據姑識于此

高宗天皇天聖大弘孝皇帝治太宗第九子初封晉王

恭

立為皇太子以己酉嗣立在位三十四年癸未崩改元

十五

永徽 六 顯慶 五 龍朔 三 麟德 二 以年絳州  
產麟又言

元殿前麟趾  
見于是改元

乾封 二 以封秦  
山改

總章 二 以將作  
明堂改 咸亨 上元 二 儀鳳 三

調露 二 永隆 一 開耀 二 永淳 一 以皇孫  
生改

弘道 一

儀鳳三年四月詔改明年為通乾元年十二月罷

通乾號

中宗孝和大聖大昭孝皇帝顯高宗第七子初封英王名哲立為皇太子以癸未嗣立元年甲申武后廢為廬陵王居房州改元一

嗣聖 武后旋改文明

則天武后高宗后以甲申廢中宗立睿宗為帝臨朝稱制又五年自稱皇帝改國號周乙巳復位于中宗偽立二十一年改元十八

十餘文明一光宅 九月改

垂拱 四 永昌

周

載初 十一月以始 天授 二 如意 三 長壽 九

月改 延載 一 證聖 一 天冊萬歲

萬歲登封 萬歲通天 神功 一

聖歷 二 久視 一 大足 以成用言佛跡見改元 長安 四

通鑑太后春秋雖高善自塗澤雖左右不覺其衰

以垂落更生御則天門赦天下改元通天

紀異錄曰太后既立國號周又欲立武三思為後

長壽

狄仁傑切諫后曰奈何有武氏臨朝萬萬年之謠  
對曰陛下改萬歲登封又改萬歲通天又改大足  
元年則萬歲之數足矣后大悞即有歸中宗之意  
中宗皇帝以己亥自房州還武后立為太子乙巳復立  
反周為唐庚戌為韋后所弒改元二

神龍二

景龍三

殤皇帝重茂中宗少子封溫王以庚戌為韋后所立遜  
于相王改元一

皇外唐隆

愚按玉海云或曰唐元唐興唐安蓋開元天寶之  
間避諱改稱者而唐會要唐大詔令皆書唐隆寔  
則明皇踐阼之識猶漢安樂之災興也

睿宗玄真大聖大興孝皇帝旦高宗第八子封豫王嗣  
聖元年為武后所立天授元年廢為皇嗣中宗朝進封  
相王韋后弒逆王子臨淄王隆基誅之以庚戌迎立二  
年子子傳位太子後四年崩改元三

唐紀通元考

景雲 二 大極 一 旋改 延和 元宗立改 為先天

景雲元年鄭愔與張靈均謀立中宗子譙王重福謀覺伏誅改元一

中元克復

玄宗至道大聖大明孝皇帝隆基睿宗第三子初封臨淄王舉兵討韋氏進封平王旋立為太子以壬子受禪立乙未安祿山反丙申幸蜀太子即位于靈武尊為上皇後還長安壬寅崩在位四十四年改元三

先天 一 開元 二十九 天寶 十四 天寶三 年始改

元為 載

嘉話錄李丞相必謂德宗曰陛下天寶元年生嚮外言改年之由或以弘農得寶此乃謬也陛下此年降誕故玄宗皇帝以天降至寶因改年號為天寶也

開天傳信錄曰唐開元末于弘農古函谷關得寶符白石赤文止識素字識者解之曰素者四十八

唐紀通元考

所以聖人御歷之數也及帝幸蜀之末歲正四  
十八年得寶之時天下歌之曰得寶耶免農耶免  
農耶得寶耶得寶之年遂改年為天寶

愚按天寶元年春正月丁未朔改元甲寅陳王府  
參田同秀上言玄元皇帝于丹鳳門之空中告  
以我藏靈符在尹喜故宅上遣使于故函谷關尹  
喜臺旁求得之子辰羣臣上表以函谷靈符潛應  
年號先天不違請于尊號天寶字史書如此其

不困得寶改年明矣錄言妄也  
天寶三載春正月丙申朔改年曰載

肅宗文明武德大聖大宣孝皇帝亨玄宗第三子封忠  
王立為太子丙申玄宗幸蜀即位于靈武克復兩都在  
位七年壬寅崩改元四

至德二乾元二  
自復復以  
載為年  
上元一寶應一

以楚州表言天  
賜寶王改元

上元二年制去年號但稱元年以建子月為歲首

月皆以所建為數明年建巳月甲子改元寶應復以建寅為正月月數皆如其舊

代宗睿文孝武皇帝豫本名倣肅宗太子初封廣平王將兵復兩京以壬寅嗣立在位十八年巳未崩改元三

廣德二 永泰一 大歷十四

廣德二年吐蕃入京師立邠王守禮孫承宏為帝改元年號無考置百官冠退放之于華州  
德宗神武孝文皇帝适代宋太子以巳未嗣立癸亥涇

宗

源兵乱出奔甲子還京師在位二十六年甲申崩改元

三

建中四 興元一 貞元二十一

愚按玉海德宗擬改元元慶復改貞元盖合貞觀開元之名從李泌言也

順宗至德知道大聖大安孝皇帝誦德宗太子以甲申嗣立明年傳位太子稱上皇崩改元一

永貞



改下恐有脫字

憲宗昭文章武大聖至神孝皇帝純順宗太子以丙戌受內禪立在位十五年庚子崩改元

元和十四

穆宗睿聖文惠孝皇帝恒憲宗第三子以庚子嗣立在位五年甲辰崩改元一

長慶

敬宗睿武昭應孝皇帝湛穆宗長子以甲辰嗣立在位三年丙午為宦官獲任明等所弑改元一

寶歷二

文宗元聖昭獻孝皇帝昂穆宗第二子封江王丙午宦官王守澄等立之十四年庚申崩改元二

太和九 開成五

武宗至道昭肅孝皇帝炎穆宗第五子封穎王庚申中尉仇士良等迎立之六年丙寅崩改元一

會昌六

宣宗元聖至明成武憲文睿智章仁神聰懿道大孝皇

帝忱憲宗第十三子封光王丙寅宦官迎立之在位十三年己卯崩改元一

大中 十三

懿宗昭聖恭惠孝皇帝漢宣宗長子封鄆王以己卯嗣立 在位十四年癸巳崩改元一

咸通 十四

蘓鶚杜陽雜編曰宣宗製邊陲曲其詞曰海岳宴咸通及上垂拱而年號咸通焉

僖宗惠聖恭定孝皇帝僖懿宗子封晉王以癸巳嗣立 庚子幸蜀乙巳還長安尋奔鳳翔戊申還崩在位十六年改元五

乾符 六 廣明 一 中和 四 光啟 三 文德 一

光啟二年上幸興元朱玫立襄王煬為帝玫誅煬奔河中為王重榮所殺改元一

建貞

唐無名氏王泉子貞錄廣明年號識者以為黃巢

此一條當在僖宗下

日月明年兩京沒焉

昭宗聖穆景文孝皇帝曄懿宗第七子封壽王以戊申  
嗣立庚申為宦官劉李述等所幽立太子裕辛酉反正  
宦官韓全誨等劫幸鳳翔癸亥還京甲子遷洛陽為朱  
全忠所弒在位十六年改元七

龍紀一 大順二 景福二 乾寧四 光化三

天復三 天祐三

御 大唐雜記曰唐昭宗文德二年正月朔即武德殿有

紫氣出于昭德殿東隅鬱如烟令大內留司

尋其所出得金龍子一枚長五寸許羣臣稱賀帝

曰朕不以金龍為祥瑞而以偃息干戈為祥瑞卿

等各宜盡忠以體朕懷門下奏請改文德二年為

龍紀元年

昭宣光烈孝皇帝祝昭宗第九子封輝王以甲子立三  
年丁卯為朱全忠所篡明年被弒不改元但稱天祐年

右唐二十帝共二百九十年

附考

高祖武德六年雋川人王摩沙自稱元帥尋討平之偽元一

進通

玄宗天寶十五載安祿山陷東京自稱大燕皇帝明年為子慶緒所殺偽元一

聖武

肅宗至德二載安慶緒弑祿山自立後走鄴郡為史思

明所弑偽元二

載初 天成

實 通鑑考異曰廣歷曰改元天和薊門紀亂曰改元至成與定錄年號不同紀年通譜兩存之今從定

錄

肅宗乾元二年史思明稱大聖燕王尋稱帝改元上元二年復改元為子朝義所弑凡偽元二

順天 應天

予

宋沈括夢溪筆談曰熙寧中得大錢三十餘千文皆順天得壹當時在廷皆疑古無得壹年號莫知何代物也按唐書史思明僭號鑄順天得壹錢順天乃其偽年號得壹將以名鑄錢耳非年號也

甫宗上元二年史朝義弑思自立代宗廣德元年兵敗自縊死偽元一

顯聖 甫宗上元二年梓州刺史段子璋反據綿州自稱梁王

岡川兵擊斬之偽元一

黃龍

甫宗寶應元年浙東賊袁晁反于台州以建丑為正月盡陷信州温州明州諸郡廣德元年平之偽元一

寶勝

通鑑考異曰柳璨正閏位歷宋庠紀元通譜皆改元昇國今從新書而沈氏正閏考兩存之愚謂袁晁草竊名號旋即執誅不應復有改元之事温公

歷代通鑑輯覽

所去是也

德宗建中四年涇源兵亂上奔奉天朱泚稱大秦皇帝  
于長安明年改號漢稱漢元天王兵敗西走韓旻斬之  
偽元二

應天 天皇

德宗興元元年淮西李希烈自稱大楚皇帝貞元二年  
其將陳仙奇殺之以降偽元一

武成

懿宗咸通元年浙東賊裘甫自稱天下都知兵馬觀察  
使王式討平之偽元一

羅平

懿宗咸通元年黃巢自稱衝天大將軍僖宗廣明元年  
陷長安自稱大齊皇帝中和三年敗走四年其甥林言  
斬之偽元一

王霸 金統

何光遠鑑誠錄曰黃巢犯闕尚讓為相改乾符之

歷代建元考

號為金統元年

昭宗乾寧二年義勝節度使董昌稱帝國號大越羅平  
明年錢鏐討誅之偽元一

順天 會稽錄曰天冊一曰天聖

吳越脩史曰年號或曰天冊或云天聖皆非也江

東羅諫議隱撰吳越行宮露布曰羅平者啟國之

名順天者建元之始又曰 以 門稱天國之

樓以會府為定室之地明矣

按唐高宗元年睦州女子陳碩貞反自稱文佳皇

帝文佳係偽號非名年然以一女子倡亂致盜鴻

名傳之史冊與東漢之徵側徵貳我明之唐蹇兒

胥人妖矣至玄宗時安南梅叔鸞自稱黑帝肅宗

時禪將康楚元稱南楚霸王亦盜名字之異者附

識之

唐末諸國考

後梁朱氏

歷代通鑑輯覽

太祖神武元聖孝皇帝晃本名溫單用碭山人棄黃巢降唐賜名金忠進封梁王以天祐四年丁卯篡位于大梁已巳遷洛陽六年壬子為子友珪所弑改元二

開平四 乾化二

郢王友珪晃子以壬申弑父自立明年癸酉均王友貞討誅之偽元一

鳳歷

均王瑒原名友貞晃子以癸酉討逆嗣立于大梁癸未

唐兵入汴為其下所殺在位十一年復稱乾化後改元

二

貞明六 龍德二

右後梁二世十七年

後唐 李氏

太祖武皇帝克用本姓朱耶其先沙陀部人賜姓李氏唐末以討黃巢功為太源節度使封晉王朱氏篡立鄰道勸之稱帝不從以天祐五年戊辰薨

歷代通鑑輯覽



莊宗光聖神閔孝皇帝存勗太祖武帝克用長子以天  
祐五年戊辰嗣晉王位仍天祐正朔癸未即皇帝位紹  
唐正統自將滅梁都洛陽四年丙戌兵亂中流矢崩改  
元一

同光四

天祐八年盧龍節度使燕王劉守光自稱大燕皇帝後  
二年晉王拔幽州執守光以歸殺之改元  
應天

明宗聖德和武欽孝皇帝亶本名嗣源代北人太祖養  
為子同光三年為鄴都亂兵所推丙戌入洛嗣位八年  
癸巳崩改元二

天成四年即同長興四年

閔帝從厚明宗第三子封宋王以癸巳嗣位甲午潞王  
兵入出奔遇弒改元一

應順

胡三省通鑑注曰取應天順人為義非繼體君

所以紀元也

潞王從珂本姓王氏明宗養為子以甲午廢閔帝自立  
在位三年丙申石敬瑭兵逼自焚殂改元一

清泰二

右後唐四主十四年前秦天祐十七年

後晉 石氏

高祖聖文章武明德孝皇帝敬瑭太原人丙申以北京  
留守舉兵反契丹立為帝都大梁在位七年壬寅殂改

元一

天福

會同八

齊王重貴敬瑭從子以壬寅嗣立丙午契丹入大梁北  
遷後卒于黃龍府仍稱天福二年後改元一

開運三

右後晉二主共十一年

後漢 劉氏

高祖睿文聖武昭肅孝皇帝高本名知遠太原人契丹

卷之六

入中國以丁未即位晉陽入都于大梁二年戊申殂仍  
稱天福二年後改元一

乾祐

漢紀知遠初即位自言未忍改晉又惡開運之號  
乃改稱天福十二年

五代帝紀曰嗚呼人君即位稱元年常事爾古不  
以為重也孔子未修春秋其前故已如此雖暴君  
昏童庸妄之史其記事光後遠近莫不以歲月一

主

二數之乃理之自然也其為一為元亦未嘗有法  
蓋古人之語爾及後世曲學之士始謂孔子書元  
年為春秋大法遂以改元為重事自漢以後又明  
年以建元為正偽紛雜稱號遂多不勝其紀也五  
代亂世也其事無法而不合于理者多矣皆不是  
道也至其年號乖錯以惑後世則不可以不明初  
梁太祖以乾化二年遇弒明年末帝已誅友珪黜  
其鳳歷之號後稱乾化三年尚為有說至漢高祖

足

建國黜晉出帝開運四年復稱天福十二年何哉  
蓋以其愛憎之私耳方出帝時漢高祖居太原常  
憤々下視晉而晉亦陽優體之幸而未見其隙及  
契丹滅晉漢未嘗有難之意出帝已北遷方陽  
以兵聲言追之至門而還及其即位改元而黜  
開運之號則其用心可知矣蓋其于出帝無復君  
臣之義而幸福以為利者其素志也可勝嘆夫  
謂有諸中必形于外者其見于是乎

隱帝承祐高祖第三子封周王以戊申嗣立  
在位二年庚戌郭威犯關遇弒仍稱乾祐  
年不改元

乾祐三

右漢二至四年

北漢

世祖神武皇帝是本名崇高祖弟郭威篡立以辛亥即  
帝位于晉陽甲寅殂在位四年不改元仍稱乾祐

乾祐自四年  
至七年

孝和皇帝鈞本名承鈞世祖長子以乾祐七年甲寅嗣  
立 在位十四年戊辰殂仍稱乾祐二年後改元一

乾祐八年

天會

彭城王繼元孝和帝養子戊辰孝和殂養子繼恩立供  
奉官侯霸榮弒之繼元嗣立 在位十一年己卯降于宋

太宗仍稱會天午後改元一

天會自十三年廣運  
至十六年

考異四劉恕云世宗寔錄薛史帝紀僭偽傳皆云

顯德二年十二月劉崇卒太定錄云顯德二年春

是病死紀年通譜顯德二年崇之乾祐八年冬崇

死顯德三年辰而承鈞改元天會開寶元年戊承鈞

之天會十三年也開寶十一年繼元改元廣運與

國四年繼元之廣運十一年也河東劉氏有國全

無紀錄惟共舊臣中書舍人直翰林院王保衡歸

朝後所纂晉陽偽 見聞要錄云甲寅年春南伐

敗歸復周師攻國 是積憂勞成心病是冬卒丁

已年正月日改乾祐十年為天會元年又云鈞丙  
戌年二十九承位年四十三卒右諫議大夫陽慶  
中奉勅撰大漢都統進封定王劉繼顯神道碑云  
天會十二年寔皇帝踐阼之初年也十七年繼顯  
卒末題廣運元年歲次甲戌九月丙午朔令按周  
廣順元年辛亥是即帝位稱乾祐四年顯德元年  
甲寅是之乾祐七年也是年鈞未改元顯德四年  
丁巳鈞改乾祐十年為天會元年宋開寶元年戊

今

此

辰鈞之十三年也鈞卒繼元立開寶七年甲戌繼  
元改天會十八年為廣運元年據歷是歲九月丙  
子朔興國四年己卯繼元亡廣運六年也鈞以唐  
大成元年丙戌生至顯德元年甲寅嗣位乃二十  
九歲矣鈞及繼元踰年未改元蓋益蜀二主漢隱  
帝周世宗之此也諸書皆傳聞相因前後相戾惟  
晉陽見聞錄劉繼顯碑歲月最可考証故以為據  
右漢前二主四年後三主二十八年合三十二年

歷代通鑑輯覽

後周 郭氏

太祖聖神恭肅文武孝皇帝威邢州堯山人辛亥以鄴都留守入汴自立為帝三年癸丑殂改元二

廣順 二 顯德 一

世宗睿文孝武皇帝宗本姓柴氏太祖后之姪養為子封晉王以甲寅嗣立在位五年己未殂仍稱顯德五年不改元

顯德 自二年 至六年

恭皇帝宗訓世宗子封梁王以己未嗣立庚申禪于宋不改元後十四年殂

顯德

右後周三世共九年

蜀 王氏 附攻王李茂貞

高祖神武聖文李德明惠皇帝建許州舞陽人唐末有兩川封蜀王以天復七年丁卯即皇帝位于成都戊寅殂在位十一年改元五

時唐以改元天祐為梁所篡建仍稱天復七年

歷代通鑑輯覽

武成三 永平五 通正一 天漢一 以改國號 漢改元

光天一 是年復 號蜀

順正公衍本名宗衍建少子封鄭王立為太子以戊寅  
嗣立 在位七年乙酉降于唐軍遇害改元二

乾德六 咸康一

右前蜀二世三十五年建號十八年 始唐三年終後光

同光三年

岐秦忠敬王李茂貞本姓 名文通深州博野人唐末

賜姓名為鳳翔節度使進封岐王唐亡建國稱制仍奉  
唐天祐正朔後唐同光二年改王秦薨

吳楊氏

太祖武皇帝行密廬州合淝人唐末據有淮南進封吳  
王以天祐三年薨

烈祖景皇帝渥太祖子以天祐三年丙寅嗣稱弘農王  
戊辰張顥徐溫遣人弒之在位二年仍稱唐天祐二

五年至

卷之三

六三



高祖宣皇帝隆演景帝弟以戊辰嗣稱弘農王康午進封吳王己卯即吳國王位在位十一年仍稱唐天祐九年自六年至十五年改元一

武義

睿皇帝溥宣帝弟以庚申嗣吳國王位丁亥稱帝在位十六年丁酉禪于唐為讓皇帝明年殂改元四

順義六

乾貞二

太和六

天祚三

右吳四世四十六年建號十八年

南唐 李氏

烈祖光文肅武孝高皇帝昇本名知誥吳王恪之後生于徐州為徐義祖溫所育仕楊氏封齊王以天祚三年丁酉受禪都金陵在位七年癸卯殂改元一

昇元七

元宗明道宗德文宣孝皇帝璟初名景通烈祖長子封齊王以癸卯嗣立戊午改稱國主去年號奉周正朔在位十九年遷南都殂改元三

歷代通鑑輯覽

保大十五  
中興旋改  
交泰

制

元宗即位未踰年改元太常博士韓熙載上疏曰  
踰年改元古之制也事不師古弗可以制時雖可  
其奏而制書以行竟不能從

吳王煜初名從嘉元宗第六子封吳王以辛酉嗣立于  
金陵在位十三年乙亥降于宋軍大梁後三年殂唐祀  
始絕

右南唐三王三十九年

南漢劉氏

光化先

高祖天皇大帝夔本名巖其光上蔡人聖武帝諱之子  
烈宗襄帝隱之弟唐末為清海節度使隱卒巖嗣立以  
丁丑歲稱帝國號尋改稱漢在位二十五年辛丑殂  
改元三

乾亨八  
白龍三以白龍見改元  
大有十四以筮易得大有

紀元

五代史乾亨九年白龍見南宮三清殿改元白龍

歷代通鑑輯覽

歷代通鑑輯覽

又更名夔以應龍見之祥

殤帝玠本名弘度高祖長子封秦王以辛丑嗣立二冬  
癸卯為弟晉王弘熙所弒改元一

光天

光天元年博羅縣妖賊張遇賢自稱中天八國王陷循  
州後入南唐境敗死偽元一

永樂

中宗文武光聖明孝皇帝晟本名弘熙高祖封晉王以

癸卯弒玠自立在位十四年戊午殂改元二

應乾 乾和

乾和 十四

南越王銀本名繼興中宗子封衛王以戊午嗣立  
十四年辛未降于宋軍後數年殂改元一

大寶

右南漢四王建號五十二年通前烈宗隱六十七  
年

閩 王氏

歷代通鑑輯覽

太宗昭武孝皇帝審知光州固始人唐末其兄潮引兵  
據福建潮卒審知嗣立梁封閩王以後唐同光三年薨  
子延翰嗣立稱閩國王為審知養子延稟所弒立延鈞  
德宗齊肅明孝皇帝鱗本名延鈞太祖子以丙戌嗣立  
癸巳稱帝三年乙未為子繼鵬所弒改元二

龍啟二 永和一

康宗聖神英濬文明廣武英道大弘孝皇帝昶本名繼  
鵬惠宗子封福王以乙未自立在位五年己亥為審知

以子延義所弒改元一

通文

景宗睿文廣武明聖元德隆道大孝皇帝曦本名延義  
太祖以子以己亥弒昶自立在位六年甲辰為其臣朱  
文進所弒改元一

永隆

景宗即位改元國人相謂曰可謂大昏元年  
福恭懿王延政太祖子封富沙王以景宗永隆五年癸

歷代通鑑輯覽

印稱帝于建州國號殷明年景宗遇弒乙巳復國曰閩  
尋降南唐遷于金陵改元一

天德

右閩六主五十五年建號十三年

後蜀 孟氏

高祖文武聖德英烈明孝皇帝知祥邠州龍岡人以唐  
同光中守西川長興四年封蜀王甲午稱帝殂改元一

明德

楚恭孝王景本名仁贊高祖太子以甲午嗣位在位三  
十一年乙丑降于宋軍至汴殂仍稱明德三年改元一

廣政 二十八

右後蜀二世四十一年建號三十二年

吳越 錢氏

武肅王鏐杭州臨安人以唐末有兩浙進封越王改吳  
王梁封吳越王唐封國王長興三年壬辰薨凡改元四  
後臣于中國始削而不稱

天寶 寶大 寶正 一作保貞 廣初

通鑑考異曰閻自若唐末泛聞錄云同光四年京  
師亂朝命斷絕鏐遂僭大號改元保正明年唐明  
宗錫命至乃去號復用唐正朔紀年通譜云鏐雖  
外勤貢奉而陰為僭竊私改年號于其國其後子  
孫奉中朝正朔漸草元事及錢俶納土凡其境土  
有石刻偽號者悉使人交午鑿去之惟西湖落星  
山墻院中有鏐封此山為落星寶石山偽詔刻之

元

于石雖經鏐毀其文尚可讀後題曰寶正六年歲  
在辛卯明宗長興二年也其元年即天成元年也  
好事者或傳曰保正非也余公綽閩王事跡之同  
光元年梁策錢鏐為尚父來年改寶正九年永隆  
三年吳越世宗文穆王薨林仁志閩王啟運圖云  
同光元年梁封浙東尚父為吳越國王尋改元寶  
正長興三年吳越武肅王崩子世皇嗣永隆二年  
吳越世皇崩子成宗嗣公綽仁志所記年歲差鏐

然可見錢氏改元及廟號故兼載焉至今兩浙民間猶稱錢鏐為錢太祖今叅取諸書為據愚按溫公通鑑及目錄止載寶正一號而玉海載有天寶寶大寶正廣初四號薛氏甲子會紀謂天寶改于戊辰唐天祐三年朱梁之開平二年也寶大改于甲申唐同光二年也寶正改于丙戌天成元年也廣初則不辨何歲所改舊武原志載土中得朱府君墓誌末題寶大元年歲次甲申其為錢氏所改

改

無疑天寶啟元之歲則唐室初亡諸鎮猶稱天祐天復餘則盡稟梁朔錢氏即夜郎自大烏得遽有年名正史無徵姑書以備採焉

晉 徵

文穆王元瓘鏐子以唐長興三年嗣普天福六年薨忠獻王弘佐元瓘子以晉天福六年嗣漢天福十二年薨

忠遜王弘侖弘佐弟以漢天福十二年嗣尋被廢忠懿王俶本名弘俶弟以漢天福十二年嗣宋太

平興國三年以其地歸宋後數年而薨

右吳越五世八十四年

楚附

武穆王馬殷許州鄆陵人以唐末有湖南梁封楚王唐

晉封楚國王長興元年薨

王希聲殷長子以長興三年薨

文昭王希範希聲弟以長興三年嗣漢天福十二年薨

王希廣希範弟以漢天福十二年嗣乾祐三年為希萼

所殺

王希萼希廣庶兄以漢乾祐三年立明年為弟希崇所

囚崇自立其將彭師鬻廖偃共立希萼為衡山王南唐

兵至希萼希崇俱降後南唐不能守劉言王逵周行逢

及子保權迭鎮湖南至宋初歸附

右楚四世五十六年

南平附

武信王高季興本名季昌陝州陝石人以梁初有荆南



唐封為南平王復稱臣于吳吳封秦王唐天成三年

薨  
南唐封為南平王復稱臣于吳吳封秦王唐天成三年

文獻王從誨季興子以唐天成三年嗣漢乾祐元年薨

貞懿王保融從誨子以漢乾祐元年嗣宋建隆元年薨

弟保勗立三年保勗卒保融子繼冲嗣明年降于宋

右南平五世五十七年

按楚吳越南平三鎮唯吳越嘗有三號餘俱奉中

朝正朔本不錄然前史列于十國之內因附載之

宋趙氏

太祖啟運立極英武睿文神德聖至明大孝皇帝匡

循其先涿郡人皇考弘殷始遷洛陽周顯德康申帝以

殿前都檢點自陳橋驛還兵受禪在位十七年丙子崩

改元三

建隆三

乾德五

開寶九

建隆四年十一月甲子郊祀改元乾德初太祖將

改元諭宰相曰年號須擇前代未有者及蜀平蜀

唐封為南平王

宮人入內見其鏡背有識乾德四年鑄者學士竇  
儀對曰此必蜀物蜀主王衍曾有此號上嘆曰寧  
相須用讀書人由是益重儒者歐陽修歸田錄竇  
儀作陶穀

太宗至仁應道神功聖德文武大明廣孝皇帝冕初名  
光義太祖母弟丙子以晉王嗣立左位二十二年丁酉  
崩改元五

太平興國

八元年即用  
寶九年

雍熙

四  
端拱二

淳化

五  
至道三

真宗膺符稽古神功讓德文明武定章聖元孝皇帝恒  
初名元侃太宗第三子丁酉以皇太子嗣立左位二十  
五年壬戌崩改元五

咸平

六  
景德四

大中祥符

九  
以天書  
降改元  
天禧五

乾興

仁宗體天法道極功全德神文聖武睿哲明孝皇帝禎  
初名受益真宗太子以壬戌嗣立左位四十二年癸卯

卷之九

崩改元九

天聖<sup>九</sup> 明道<sup>二</sup> 景祐<sup>四</sup> 寶元<sup>二</sup> 康定<sup>二</sup>

慶曆<sup>八</sup> 皇祐<sup>五</sup> 至和<sup>二</sup> 嘉祐<sup>八</sup>

政陽修歸田錄曰仁宗即位改元天聖昔章獻明  
肅太后臨朝稱制議者謂撰號者取天字于文為  
二人以為二人聖者悅太后爾至九年改元明道  
又以為明字于文日月並也與二人旨同無何以  
犯契丹諱明年邊改曰景祐是皆連歲天下大旱

改元詔意以迎和氣也五年**因郊**又改元曰**寶元**

自景祐初慕唐元宗羣臣以開元加尊號遂請加  
景祐于尊號之上至寶元亦是歲趙元昊以河  
西叛改姓元氏朝廷惡之邊改元曰康定而不復  
加于尊號而好事者又曰康定乃謚耳明年又改  
曰慶曆至九年大旱河北尤甚民死者十八九于  
是又改元曰皇祐猶景祐也六年日蝕四月朔以  
為正陽之月自古所忌又改元曰至和三年仁宗

皇祐元年

不豫久之康復又改元曰嘉祐自天聖至此凡年  
號九皆自謂也

又曰國朝百有餘年年號無過九年者開寶九年  
改為太平興國太平興國九年改為雍熙大中祥  
符九年改為天禧慶歷九年改為皇祐嘉祐九年  
改為治平惟天聖盡九年而十年改為明道

英宗體乾膺歷隆功盛德文肅武睿聖宣孝皇帝曙本  
名宗寔濮安懿王允讓子仁宗立為皇子以癸卯嗣立

在位四年丁未崩改元一

治平四

神宗紹天法古運德建功英文烈武欽仁聖孝皇帝頊  
英宗太子以丁未嗣立 在位十八年乙丑崩改元二

熙寧十  
元豐八

葉夢得石林燕語曰熙寧末年早詔議改元執政  
初議大成神宗曰不可成字于文一人負戈又議  
豐亨復曰不可為子不成惟豐字可用改元豐

哲宗體元繼道顯德定公欽文睿武齊聖昭孝皇帝  
初名傭神宗太子以乙丑嗣立  
在位十五年庚辰崩改元三

元祐八 紹聖四 元符三

徽宗體元合道駿烈遜功聖文德憲慈顯孝皇帝  
仁宗第十一子封端王以庚辰嗣立  
在位二十五年傳位太子丁未金人執以  
北去高宗立遙尊為太上皇  
後九年乙卯崩于五國城

建中靖國元

崇寧五

大觀四

政和七

重和一 宣和七

宋史王觀傳徽宗即位改元詔下觀言建中之名雖取皇極然重襲前代紀號非是宜以德宗為戒  
陸游老學菴筆記曰政和末議改元王黼擬用皇和既下詔矣范處白上曰此契丹號也故未幾復改宣和然重和乃契丹宮殿名猶我之宣德門也  
年名則寔曰重熙建中靖國後虜避天祚號名

追謂重熙曰重和耳不避可也

袁氏楓窗小牘道君皇帝改元宣和人或離合其

字曰一旦宋也此與蕭竊離合後周宣政為字文

止日同

欽宗恭文順德仁孝皇帝桓徽宗太子以乙巳受禪立

在位二十年金人陷中原丁未北遷高宗立遙尊為淵

聖皇帝後二十四年庚辰崩于金改元一

靖康二

二帝北狩康王在齊州汪伯彥引天命人心為請

謂靖康紀元為十一月立康之地帝曰當更思之

高宗受命中興全功至德聖神武文昭仁憲孝皇帝構

徽宗第九子封康王丁未二帝北狩嗣位于南京後南

渡建都臨安在位三十六年壬子傳位太子又二十六

年丁未崩改元二

建炎四

紹興三十二

元懿太子專高宗子以建炎三年為統制官苗傅劉正

彥所立尊高宗為太上皇後 月復位卒改元一

明受

孝宗紹統同道冠德昭功哲文神武明聖神孝皇帝春  
初名瑗太祖子秦王德芳之後高宗以為子初封建安  
郡王立為太子以壬午受禪在位二十七年巳酉傳位  
太子後五年崩改元三

隆興 二

乾道 九

淳熙 十六

孝宗內禪擬于傳位日降赦汪應辰言唐太宗受

禪于高祖明年正月始改元乃從其說又議改元

重熙應辰謂契丹嘗以紀年遂改隆興

宋都陽張世南游宦紀聞曰改元始于共和紀魏

倡于漢武後世遵用之我宋年號無過九年者惟

天聖盡九年十二月改明道熙寧亦盡十年紹興

乃三十二年淳熙亦十六年

李心傳建炎以來朝野雜記曰乾道癸巳歲冬至

日上祀南郊肆赦改明年元為純熙後六日甲辰

中書門下舍省言若淳化雍熙言之當用淳熙字  
庶幾仰體主上取法祖宗之意從之

光宗循道憲仁明功茂德溫文順武聖哲慈孝皇帝惇  
孝宗第三子立為太子以己酉受禪立  
在位五年甲寅  
皇太后命嘉王擴即位尊帝為上皇後六年崩改元一

紹熙<sub>五</sub>

寧宗法天備道純德茂功仁文哲武聖睿恭孝皇帝擴  
光宗第二子甲寅以太皇太后吳氏命嗣立  
在位三十

一年甲申崩改元四

慶元<sub>六</sub>

嘉泰<sub>四</sub>

開禧<sub>三</sub>

嘉定<sub>十七</sub>

李心傳建炎以來朝野雜記曰高宗即位改元建  
炎以火德中微故也苗劉之亂以為炎字乃兩火  
故多盜明年還自海上改五年為紹興久之既與  
金議和遂不復改三十二年孝宗即位踰年改隆  
興其說以為務隆紹興之政及學士草制則合建  
隆紹興之義非初意矣二年王賡叔為參知政事



言趙諗謀逆欲以隆興紀元會太常寺丞曾逮檢  
事實以進上愕然明年正月郊改元乾道乾道盡  
九年昔以為乾元用九之數已極乃改為純熙又  
易純為淳言欲致淳化雍熙之美也十六年光宗  
即位將紹淳熙之政遂以紹熙紀元猶隆興意爾  
學士草制則又合紹興淳熙為義亦非初意也五  
年上繼統趙子直為相銳意慶歷元祐故事乃改  
慶元慶元盡六年而上皇及太后繼崩中宮去世

子

二皇子不育朝廷嫌之因改明年為嘉泰云

趙彥衛雲麓漫鈔曰名年始于漢武往、皆寓美  
意或此一時盛事唐德宗時思繼先烈改元貞元  
蓋欲法貞觀開元也本朝改隆興欲法建興紹興  
之義或云趙稔曾用之改朝道又改純熙詩曰時  
純熙矣有言純旁作屯不宜用復改淳熙取淳化  
雍熙紹熙則法紹興淳熙慶元法慶歷元祐開禧  
則取開寶天禧也

岳珂愧郈錄昔唐德宗以貞觀開元之盛慨想前  
烈改元貞元庶幾二祖本朝因之如近世隆興之  
用建隆紹興淳熙之用淳化熙寧紹熙之用紹興  
淳熙慶元之用慶曆元祐用禧之用用寶天禧皆  
是也珂按呂陶淨德集記曰元祐之政謂元豐之  
法不便即復嘉祐之法以救之然不可盡變天率  
新舊二法並用貴其便于民也議者乃云對鈞行  
汰朝士善謹乃云豈獨法令為然至于年號亦得

大

對鈞矣然談謹之談亦有珂謂人君法祖存古  
之意取為盛德陶言近肆不可以訓人按光宗升  
祔循故事將建閣以藏宸章侍從集議欲以大謨  
名當國者以為不馴又欲名天疇疑近天章且天  
章不入御矣乃改寶謨珂謂寶文乃仁祖閣名如  
陶之言亦對鈞也方顯謨建閣告國論尚紹述哲  
宗慕丕承之烈以見善繼若寶謨則直以為之書  
首于三謨而言之歷代寶之以為大訓本專指墳

禹

典此蓋惟取必藏之義云

理宗建道修德大功復興烈文仁武聖安孝皇帝昀初  
名貴誠太祖子魏王德昭之後沂靖惠之子甲申史彌  
遠廢皇子濟王竑奉帝嗣立。在位四年。年甲子崩。改元  
八

寶慶 三

紹定 六

端平 三

嘉熙 四

淳祐 十

二

寶祐 六

開慶 一

景定 五

王應麟王海年號頌曰天祐下民藝祖立極繇三

而五建隆乾德開寶之七享國十七太宗之元改  
為興國八而改之雍熙乃復四而更之端拱乃續  
麟正二書淳化是易鳳紀五盼至道是草至三而  
終二十四託章聖續圖咸平凡六景德祥符四九  
其別天禧乾興五六其畢二紀仍期仁皇嗣服天  
聖明道九二先及景祐寶元康定慶歷皇祐至和  
嘉祐之曰曰四而二曰一而八曰五而二曰八而  
足四十一年政事修飭典皇治平四載善述神考

英

閱

之興聿新制作熙寧十更元豐八閱哲宗紹休元  
祐九八紹聖元符四三具列十有五禩徽皇靖國  
崇觀政重宣和岌岌總其歷年五加二十靖康  
難高宗正統建炎紹興再立宗祐四與三二紀凡  
三歷孝廟隆興乾道相襲二九之餘淳熙十六二  
十七春乾清坤謐光宗五稔紹熙駿烈寧考慶元  
不更歲律泰禧四三嘉定十七三十年間不遑暇  
逸晉王承統光增燕翼寶慶三改紹定六易端平

域拓

嘉熙歷載凡七淳祐十二寶祐歲六開慶一禩景  
定更瑟

度宗端文明武景孝皇帝獻福王子理宗立為太子以  
甲子嗣立 在位十年甲戌崩改元一

咸淳十

少帝熈度宗子封建國公以甲戌嗣立二年丙子元人  
入臨安帝北遷降封瀛國公端宗立遙尊為恭孝懿皇  
帝後殂于元改元一

歷代通志

德祐

端宗裕文昭武愍孝皇帝 以帝兄封益王以德祐二年丙子奔閩即位于福州三年戊寅浮海至碭州崩改元一

景炎二

衛王昺以帝弟戊寅羣臣立之于碭州改厓山二年己卯張弼範兵逼丞相陸秀夫負帝赴海崩國亡改元一

祥興一

右采自太祖至欽宗九帝一百六十六年南度九

帝一百五十二年共三百三十八年 始庚申 終己卯

附考

太宗淳化五年蜀賊李順僭號于成都改姓孟國號大蜀內臣王繼恩等討平之偽元一

應運

真宗咸平三年益州戍卒王均作亂僭稱大蜀雷有終率兵平之偽元一

歷代通志

歷代通鑑輯覽

化順

仁宗慶歷七年貝州卒王則據州及自稱東平王國號  
安陽明年又考博明鑑討平之偽元一

得聖

仁宗皇祐元年廣源州蠻儂智高自稱南天國四年陷  
邕州僭號仁忠皇帝狄青擊敗之走死改元四

大歷

端懿

景瑞

啟歷

按智高改元七于宋史者景瑞啟歷也前二號沈

大曆見玉海

氏正閏考書之未知何據

徽宗崇寧 年前國子博士趙諗反伏誅偽元一

隆興

徽宗宣和二年睦州民方臘作亂自稱聖公陷浙東西  
六州因童貫討平之偽元一

永樂

高宗建炎四年鼎州民鍾相作亂自稱楚王孔彥舟執  
送行在誅之偽元一

歷代通鑑輯覽

天載

高宗建炎四年金人立劉豫為大齊皇帝以中原地歸之都汴改明年為元年在位七年為金人所廢以蜀王徙臨 府改封偽元一

阜昌

高宗紹興三年鍾相少子臣楊公自稱大聖天王後岳飛討平之偽元一

庚戌

陳萬偽元一

天戰

李婆備偽元一

太平

僧王法師思偽元

羅平

李子揚偽元一

龍興

師官衍

李接偽元一

羅平

廖森偽元一

重德

李合我偽元一

正法

雷進偽元二

正法

人知

據玉海作李合我雷進  
蓋李合之說在雷進若  
也鐘嗣仲析為二人非  
是

愚按陳萬以下數號俱見玉海蓋盜賊之妄竊者  
而正史不書失其年次雜載于此

遼 耶律氏

太祖大聖大明神烈天皇帝億小字阿保機其先契丹  
部酋長以唐天祐四年丁卯稱帝九年建元在位十九  
年丙戌殂于扶餘府改元三

神冊 六

天贊 四

天顯 一

愚按遼史太祖記二月改元天顯七月上崩而通



鑑云契丹改元天顯葬其主阿保機于木葉山五  
代史德光立三年改元天顯俱傳聞之誤今從遼  
史

義宗文獻欽義皇帝倍小字突欲太祖太子天顯元年  
太祖命守東丹國號人皇王稱制行事明年太宗即位  
庚寅浮海適唐後為王所殺世宗立追上謚號在東丹  
時改元一

甘露

一遼恐衍

太宗孝武惠文皇帝德光太祖次子以天顯二年丁亥  
嗣立丙申立石敬瑭為晉丁未滅入大梁改國號曰大遼  
遼還殂于藥城在位二十二年仍稱天顯十二年自二  
年後改元二

會同八 大同一 世宗立  
改天祿

遼史太宗紀天顯二年十月壬戌即皇帝位有司  
請改元不許

世宗孝和莊憲皇帝阮小字元欲義宗長子以大同元

年丁未即位于恒州引兵還國五年辛亥為秦寧王察  
割所弑改元一

天祿 五

穆宗孝安敬正皇帝璟小字述律太宗子以天祥五年  
辛亥嗣位十九年己巳為扈人辛古等所弑改元一

應歷

**殂** 景宗孝成康靖皇帝賢世宗第二子以應歷十九年己  
巳嗣立在位十四年壬午祖改元二

保寧 十 乾亨 四

**梁**

聖宗文武大孝宣皇帝隆緒景宗長子初封果王以乾  
亨四年壬午嗣立復國號曰大契丹在位四十九年改

元三

統和 十九 開泰 九 太平 十一

**太辛**

興宗神聖孝章皇帝宗真聖宗子以太平十一年早未  
嗣立在位二十四年乙未殂改元一

重熙 二十四

歷代通鑑輯覽

趙至忠虜廷雜記宗真立改元景福一年又改重

熙

道宗仁聖大孝文皇帝洪基興宗子以重熙二十四年

乙未嗣立辛巳殂在位四十七年復國號遼改元五

清寧 十 元年即重熙二十四年

大安 十 壽隆 七

咸雍 十 大康 十

東都事畧載有壽昌而范成大攬轡錄又稱盛昌六年又玉海載遼國有順天應順二號俱不詳世

次蓋南北分隔或語音轉訛或傳寫錯謬茲按遼史悉正之

天祚皇帝延禧道宗太子順宗濬之子以壽隆七年辛巳嗣立在位二十四年乙巳為金人所執降封海濱王進豫王殂改元三

乾統 十 元年即壽隆七年 天慶 九 保大 五

宣宗孝章皇帝淳興宗孫黑封秦晉國王保大二年壬寅天祚入夾山耶律大石立之于南京尋卒改元一

歷代通鑑輯覽

建福元

蕭德妃宣宗淳之后淳卒稱制金兵至奔于天祚被殺  
改元一

德興即建福元年

梁王雅里天祚帝第二子以保大三年癸卯耶律敵烈  
等弑之北奔立以為帝後獵查刺山一日射黃羊四十  
狼二十一致疾卒耶律木烈繼之為其下所殺改元一

神歷

右遼九世共二百十年

西遼德宗皇帝大石太祖八代孫登天慶五年進士累  
官幹林世號大石林牙以保大二年率騎宵遁甲辰成  
二月五日甲午即位于起兒漫後建都虎思幹耳在位  
一十二年丙辰殂改元二

延慶三 康國十

感天皇后塔不煙德宗蕭后丙申臨朝稱制七年壬戌  
殂改元一

咸清

仁宗皇帝夷列德宗子以壬戌嗣立  
在位十三年甲戌  
殂改元一

紹興 十二

承天太后普速完仁宗妹仁宗殂遺詔  
權國事稱制後與駙馬之弟通出駙馬  
為東平王殺之十四年戊子為其父  
所殺改元一

崇禎 十四

沈德符正閏考又有重德一號

末王直魯古仁宗次子以戊子嗣立  
在位三十四年辛酉以出獵為乃蠻  
王屈出律伏兵所執尊為太上皇朝  
夕間起居直魯古殂遼記乃絕改元一

天禧 三十四

右西遼三王二后建號絕漢之外  
七十六年起甲辰記

辛酉

附考

遼明年討擒之偽元一

聖宗太平九年東京舍利軍詳穩大延琳僭國號曰興

遼明年討擒之偽元一

天慶

夫祚天慶六年裨將渤海高永昌據遼陽僭號尋為金

人所殺偽元一

隆基

天祚保大三年奚王回鹘保僭號後為衆所殺偽元一

天復

天祚保大三年都統蕭幹自立于奚王府號神聖皇帝  
國號大奚郭葉師破之為其下所殺偽元一

天嗣

金完顏氏

太祖應乾興運昭德定功睿神章孝仁明大聖武元皇  
帝是本名阿骨打女真部人以遼天慶五年乙未稱帝  
癸卯入燕京遷殂于部堵樂在位九年改元二

收國二 天輔七

遼

遼天慶元年

太宗體元應運世德昭功信哲惠仁聖文烈皇帝晟本  
名吳乞買太祖弟以天輔七年癸卯嗣立  
在位十三年  
乙卯殂改元一

天會 十三  
元年即天輔七年

熙宗弘基續武莊靖考成皇帝實太祖孫以天會十三年  
己卯嗣立  
在位十四年己巳為平章政事完顏亮所  
弒仍稱天會二年  
自十四年至十五年  
後改元二

天眷 三  
皇統 九

海陵錫王亮太祖孫以皇統九年己巳弒自立辛巳  
伐宋為下所殺世宗追廢之  
在位十三年改元三

天德 三  
元年即皇統九年  
貞元 四  
正隆 五

世宗光天興運文德武功聖明仁孝皇帝雍本名烏祿  
太祖孫以正隆六年辛巳即位于東京海陵被弒入燕  
在位二十九年己酉殂改元一

大定 二十九  
元年即正隆六年

金史海陵在揚州間帝改元大定拊髀歎曰朕本

聞

歷代通鑑輯覽

者

上信忠當作臣

欲平江南改元大定此非天子因出其素所書取  
一戎衣天下大定改元事以視羣臣

宋李心傳朝野雜記曰昔光守強守諒嘗言金主  
已死胡離嗣立改元新德大信信之辛巳春慶并  
甫賀正旦還言虜酋不死已受甲造舟必為南寇  
之計

章宗憲天光運仁文義武神聖英孝皇帝璟世宗嫡孫  
以大定二十九年己酉嗣立在位二十年戊辰殂改元

三

明昌 六 承安 五 泰和 八

衛紹王允濟世宗子以戊辰嗣立 在位五年癸酉值元  
兵入寇為胡沙虎所弑改元三

大安 三 崇慶 元 至寧 元

金史衛紹王初即位改元大安 四年改曰崇慶 既  
又曰至寧 有人語曰 三年大崇至矣 大崇者大蟲  
也 俄而有胡沙虎之變

歷代通鑑輯覽



宣宗繼天興統述道勤仁英武聖孝皇帝殉章宗庶兄  
以至寧元年癸酉嗣立二年遷汴在位十一年癸未殂  
改元三

貞祐 四 元年即至 興定 五 元光

南遷錄云世宗改元興慶濼王改元天統章宗改  
元大定考之金史其世系傳次無一是者蓋南人  
偽書為此以據靖康之憤而定非金漁氏之實錄  
不足存也

考

哀宗皇帝守緒宣宗太子以元光二年癸未嗣立癸巳  
自汴奔蔡至明年正月為宋元兵所圍傳位于宗室承  
麟自縊而昀末帝亦為亂兵所殺凡在位十年改元三  
正大 八 開興 天興  
右金完顧氏九世一百十八年

附考

熙宗皇統七年蒙古熬羅孛極烈自稱太祖元明皇帝  
國號大蒙古遣兵討之不克因與連和改元一

天興

愚按宋孟珙蒙韃備錄蒙古非元之先世以慕蒙為雄故以國號曰大蒙古國則天會皇統間所伐非奇渥溫氏之蒙古也附識于此

世宗大定元年契丹移刺窩幹稱帝明年討平之偽元

一

天正

衛紹王至寧元年癸酉遼人耶律盈哥據遼東自立為

遼王乙亥降于蒙古封遼王改元一

元統

耶廝不本耶律盈哥黨封郡王盈哥朝蒙古遂僭帝號于澄州國號遼立七十餘日為其下所殺偽元一

天成

宣宗貞祐三年益都城楊安兒僭號登州遣兵擊殺之

偽元一

天順

賊

宣宗貞祐三年宣撫蒲鮮萬奴據遼東稱天王國號大  
真明年降于蒙古尋僭稱東夏天興二年蒙古太宗討  
擒之偽元一

天表

宣宗貞祐二年宛州泗水郝定及署置百官僭稱大王  
漢皇帝州兵討擒之偽元一

順天

宋孝心傳建炎以來朝野雜記曰又有郝八者名

儀以貞祐二年春

甲戌本朝  
嘉定七年

據山東叛僭號大齊

改元順天金人遺花帽軍擒之磔于開封考之金

史本紀及侯摯傳有郝定無郝儀則改元順天者

必定也蓋金史失記改元而南中誤傳其名耳

宣宗貞祐三年張鯨弟致據錦州自稱漢興皇帝蒙古

木華黎遣兵平之偽元一

興隆

元史作  
興隆

宣宗貞祐四年故遼人金山耶廝不木之黨自稱大遼

收國王引兵侵南麗據江東城二年哥率蒙古高麗為  
統古所殺自立喊舍復殺之僭號戊寅耶律盈其擊之  
乃平偽元一

天德

高麗國史  
作天成

夏李氏

昊  
景宗武烈皇帝曩霄本名元是其先拓跋思恭唐末賜  
國姓鎮夏州傳思諫思恭彝昌仁福彝興克睿繼筠七  
世至繼捧入朝于宋族弟繼遷遂據有銀夏稱夏國王

是為太祖神武帝傳于太宗光聖德明帝堯元昊立以  
宋景祐元年甲戌改元戊寅稱帝在位十七年戊子殂  
改元四

開運一

廣運二

大慶三

天授禮法延祚一十

先是元昊初立尚奉宋明道年號以其父德明之  
名乃改曰顯道稱于國中甲子會紀作改元顯道  
非也

宋景祐元年元昊改元開運或告以石氏後晉敗

皇代通考

山之號乃改廣運

毅宗昭英皇帝諒祚景宗長子小字寧令哥以戊子嗣立昔方朗歲在位二十年丁未殂改元五

延嗣寧國一 天祐垂聖三 福聖承道四

禪都二 拱化六

乘

惠宗匡靖皇帝東常毅宗長子以丁未嗣立在位二十二年丙寅殂改元四

乾道二 天賜禮盛國慶五 大安十二

忠孝化惠

崇宗聖文皇帝乾順忠宗長子以丙寅嗣立在位五十四年己未殂改元八 宋史紹興九年夏主乾順卒

天安禮定一 天祐民安八 永安三 貞觀三十

天儀治平四 元德八 正德八 大德五

仁宗聖德皇帝仁孝崇宗長子以己未嗣立在位五十五年癸丑殂改元四

大慶四 人慶五 天盛二十 乾祐二十四

皇代通考

桓宗昭簡皇帝純祐仁宗長子以癸丑嗣立在位十四年  
丙寅為鎮夷郡王安全所廢改元一

天慶十四

褒宗敬穆皇帝安全宗孫越王仁友子以丙寅嗣立  
在位七年辛未殂改元二

應天五 皇建二

神宗英文皇帝遵**頊**齊國忠武王彥宗子以宗室試進  
士及第為大郡督府主褒宗殂以辛未嗣立在位十三

頊

年癸未自稱太上皇傳位太子丙戌殂改元一

光定

獻宗皇帝德旺神宗子以癸未嗣立在位四年丙戌元  
兵累逼以憂殂改元一

乾定

南平王觀宗室清平郡王子以丙戌嗣立明年降于元

右夏李氏九主一百九十五年

愚按玉海夏國有廣禧清平二號宋史不載唯末

主為清平郡王之子亦非年號蓋王氏傳聞之誤也

元奇溘温氏

太祖法天啟運聖武皇帝鉄木真蒙古部人其先世為酋長太祖以金泰和六年丙寅即位于幹難河十年克金中都二十一年丁亥平夏還殂太宗英文皇帝窩濶臺太祖第三子以己丑嗣立六年滅金十三年辛丑殂太皇太后乃馬真氏稱制丙午定宗

立

定宗簡平皇帝貴田太宗長子以丙午嗣位三年戊申殂皇后稱制皇后克里吉納也

憲宗桓肅皇帝蒙哥太祖少子花雷之子以辛亥嗣立于幹難河九年己未代宋殂于釣魚山

宋孟珙蒙韃備錄蒙人稱年號曰兔兒年龍兒年  
至去年方改曰庚辰年今日辛巳年南還錄載與  
金國詔稱龍席九年非也

金史卷之九

世祖聖德神功文武皇帝忽必烈憲宗母弟以己未嗣  
立于燕京以至元八年改國號大元十三年入宋臨安  
十六年滅宋于崖山共在位三十五年甲午殂改元二

中統四 至元三十

成宗欽明廣孝皇帝鉄木耳世祖太子真金之子以甲  
午嗣立在位十三年丁未殂改元二

元貞二 大德十一

武宗仁惠宣孝皇帝海山世祖子蒼刺麻八剌之子封

懷寧王以下未嗣立于上都 在位四年辛亥殂改元一

至大 四

仁宗聖文欽孝皇帝愛育黎拔力八達武宗弟武宗以  
為太子以辛亥嗣立在位九年庚申殂改元一

皇慶二 延祐七

英宗睿聖文孝皇帝碩德八剌仁宗太子以庚申嗣立  
在位三年癸亥為鉄失所弑改元一

至治 三

泰定元年



農田餘話前元英宗年號至治性剛好毅故被穢  
晉王以藩邸入踐大統識者以至治二字折成晉  
王二字數或然也昔改元泰定二字出道書非正  
道也

泰定皇帝耶孫鉄木兒太子真金嫡孫晉王甘刺麻長  
子嗣封晉王以癸亥嗣立于龍居河在位五年戊辰殂  
于上都改元二

泰定四  
致和元  
文宗天歷元年

幼主阿速吉八泰定帝太子以戊辰嗣立于上都文宗  
遣兵陷上都不知所終改元一

天順  
即致和元年

明宗順天立道睿文智武大聖孝皇帝和世疎武宗長  
子封周王戊辰泰定帝殂帝弟文宗立于大都遣使迎  
帝以己巳即位于河寧之北尋暴崩

文宗聖明元孝皇帝圖帖睦爾明宗弟以戊辰嗣立于  
大都明宗立為太子明年復即位前後在位五年壬申

元改元二

天歷二 至順三

寧宗冲聖嗣孝皇帝懿璘質班明宗第二子封郡王以  
壬申嗣位尋殂不改元 即至順三年

順皇帝妥愷怡睦明宗庶長子文宗徙之于高麗移  
廣西靜江寧宗殂文宗后弘吉剌氏遣使迎之以癸酉  
嗣立戊申大明兵至通州奔應昌後二年殂國人謚曰  
惠宗明太祖追謚順帝共在位三十六年改元三

元統二 至元六 至正二十七

至元改元詔曰惟世祖皇帝在位長久天人協和  
諸福感至祖述之志良切朕懷今特改元統仍為  
至元年御史李好文言年號襲舊于古未聞不聽  
昭宗皇帝愛猷識里達臘惠宗太子以庚戌嗣立于應  
昌明李文忠來伐遂以餘兵走和林立十一年而殂改  
元一

宣光

按蒙古自昭宗後並王脫古思帖木兒立九年為  
一明將藍玉所破走主也迭兒遇弒自後五傳至坤  
迭木兒威末幾而弒永樂初鬼刀赤立衆以非元  
裔弒之迎順帝後本雅失里為可汗本雅失里弒  
脫脫不花立正統十四年其臣尾刺王也先強盛  
車駕親征被留後奉上歸至景泰四年遂弒脫脫  
不花白稱大元四盛可汗建元天元尋為部衆所  
弒復求元裔立之稱小王子迄今支裔尚存而傳

次無可考矣

右元十四至凡一百六十二年中混一百八十九  
年又順帝昭宗建號故國十三年

附考

世祖至元二十年廣州新會民林桂方趙良鈐作亂自

稱羅平國王官軍討平之偽元一

延康 一作建康

順帝至元三年廣州增城民朱光卿自稱大金國尋討

歷代通鑑輯覽

平之偽元一

赤符

按元氏平宋之後反者四起而南朝趙王之類不可殫計而元史所載普寧縣僧陳慶安汝州捧胡兒稱李老君太子表州周子旺稱周王各立偽元而其號俱失載不可考矣

元末諸國考

宋

王

宋王韓林見穎川人以至正己未劉福道等迎立之自稱宋裔國號宋號小明王自亳州移都汴梁後奔安豐十二年殂于建康改元一

龍鳳十二

朱間

宋國楨湧幢小品載弘治間河南府得銅印三百顆俱有年號事聞下禮部上言至順至元至正俱元文宗以後年號龍鳳興定又元末偽主宋年號愚按興定乃金宣宗紹正年名小明王建元龍鳳

歷代通鑑輯覽

六十七

未嘗復改也一時禮曹諸臣鮮有博雅者遂不及  
致辨耳

天完

天宗主徐壽輝羅田縣人以至正癸巳據蘄水後移都  
庾子為其臣陳友諒執于江州改元三

沿平八

天啟一

戊戌

天定一

己亥

陸深平胡記一云壽輝既稱帝湖江浙三省多陷  
沒聞建臺省于蘄春然不能制其下陳友諒既殺

倪文俊遂率兵攻金陵謀篡其位乃勒死于采石  
是年五月改天義元年則天啟天定豈友諒已不  
用沿平矣

漢

漢主陳友諒沔陽人偽天完將累封漢王以庚子弒壽  
輝于采石即皇帝位癸卯寇南昌與明太祖戰于鄱陽  
中流矢卒改元一

大義

墓

庚申外史曰陳友諒之墓位于徐貞一也借號大

漢改元天定大義考諸書庚子歲友諒改天定二

年為大義元年則天定大義定為二號而葛氏誤

以為一年又天啟天定改于壽輝末年或疑即友

諒所改是未知

歸德侯理友諒子友諒卒奔還武昌其將張定邊等立

之明年降于明改元一

德壽

卷八

吳

吳王張士誠泰州人以至正癸巳據高郵甲午稱誠王

國號大周改元尋降于元官太尉癸卯復稱吳王仍奉

元朔丁未大兵克蘇州至建康縊死改元一

天祐

夏

先主明玉珍隨州人為天完將將兵破蜀聞友諒弒逆

自稱瀛蜀王癸卯即皇帝位丙午殂改元一


歷代建元考

歷代通鑑輯覽

天統

歸義侯昇玉珍太子以丙午嗣立辛亥降于明國亡改元一

開熙



享和三年歲在癸亥正月

大鄉良則  
庄岡孝幹 全校

享和癸亥

